



MASMAAYO NGA MGA BUTANG ALANG SA PASKO

R. B. THIEME, JR.

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:
*(Gihatag pinaagi sa GLSP nga walay bayad
o obligasyon.*

Para sa dugang pang kasayuran text o tawag:)

Globe: 0906-347-9830 (Visayan)

Smart: 0946-142-7563 (Visayan)

Smart: 0908-236-1434 (Ilonggo)

The electronic version of this book can be read or
downloaded through the Internet address

<https://www.gracelsp.ph>.

*(Ang elektroniko nga bersiyon niini nga libro mahimong
mabasa o mabalhin ang datos
pinaagi sa Internet adres nga <https://www.gracelsp.ph>.)*

MASMAAYO NGA MGA BUTANG
ALANG
SA PASKO

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

Orihinal nga naimprinta isip *BETTER THINGS FOR CHRISTMAS* niadtong tuig 2003, 1970 ni R. B. Thieme, Jr.
Unang edisyon napatik niadtong 1970.
Ikaduha nga edisyon napatik niadtong 2003.

Kini nga basahon napatik gikan sa mga pakigpulong ug waimantala nga mga sinulat ni R. B. Thieme, Jr.

Sa pag-order niini nga libro sa English, kontakta:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay bahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Napatik sa Tagbilaran City, Bohol, Philippines, 2018.

Gihubad ngadto sa Binisaya nga pinulongan ni Catalina C. Cabahug.
Gitan-aw pagbalik nila ni Loida V. Telmo, Raflyn H. Salutan, Elina Vicoy, David Vicoy ug Jerome Salutan.
Gipatik nga may pagtugot sa R. B. Thieme, Jr., Bible Ministries.

Apan, hinigugma, kami naawhag sa mas-
maayo nga mga butang diha kaninyo,
ug mga butang nga mag-uban sa kalu-
wasan. (Mga Hebreohanon 6:9a)

Kini nga basahon napatik gikan sa mga pakigpulong ug wa-imantala nga mga sinulat ni R. B. Thieme, Jr.

Ang kasulatan gihubad gikan sa *King James Version* (KJV). Ang sinanggaang komentaryo nagpakita sa mga gipanudlo sa Bibliyanhong klase (magamit sa MP3 CD [English] gikan sa R. B. Thieme, Jr., Bible Ministries, Houston) o nagalambigit sa mga gikutlo uban sa kasamtangang gihisgutan.

MASMAAYO NGA MGA BUTANG

Ang Dios misangkap sa pipila ka masmaayo nga butang alang kanato. (Mga Hebreohanon 11:40a)

Ang Pasko mao ang panahon nga ang atong mga hunahuna mopaingon ngadto sa *masmaayo nga mga butang* sa kinabuhi. Apan unsa ang *masmaayo nga mga butang*? Ang Madison Avenue sa ingon miusab sa atong pagtoo nga kita maghunahuna sa Pasko ingon sa pagkuha nianang ‘masanagong dang’ nga pagbati gikan sa paghatag og labaw kaayo sa atong hinguhaan diha sa ngalan sa gugma ug pakigdait. O

kita maghunahuna sa pamilyahanong panagtapok palibut sa Krismas tri. Apan kadaghanan sa pamilyahanong katiguman maingon ka relaks sama sa usa ka piknik diha sa usa ka higdaanan nga dagkong-lansang. Ang katawhan napakyas, nasamok ug miserable. Bisan pa niana silang tanan nagsul-ob sa usa ka malinglahong panagway palibut sa Krismas tri, nagsulay sa pagkombinser sa ilang kaugalingon nga sila malipayon. Ang idiya nga ang matag usa malipayon sa Pasko maoy usa ka mugna gikan sa katapusan nga kapitulo sa kang Dickens' nga *Christmas Carol*. Apan dili kini mao ang kinabuhi ug dili kini mao ang matuud.

Unsa *maoy* matuud mao nga sa eternidad nga milabay ang Dios midesyono og usa ka plano alang kanimo aron sa pag-angkon og *masmaayo nga mga butang*—usa ka kinabuhi sa hingpit nga kalipay. Apan aron sa pagkab-ot niining hingpit nga kalipay, *ikaw kinahanglan nga sulud*

sa Iyang plano. Wala gayuy paagi alang kanimo sa pagsulud sa plano sa Dios gawas sa usa ka relasyon uban Kaniya. Ug ang bugtong butang nga nagapugong kanimo gikan sa usa ka relasyon uban sa Dios mao ang imong kaugalingong negatibo nga kabubut-on. Walay Pasko kon ikaw mosalikway ni Kristo!

Siya nga mitoo diha sa Anak adunay kinabuhi nga waykatapusan: ug siya nga wala mitoo sa Anak dili makakita sa kinabuhi; apan ang kaligutgut sa Dios nagapabilin diha kaniya. (Juan 3:36)

Ang agianan ngadto sa plano sa Dios mahitabo uban ang waymerito nga desisyon sa imong bahin—pagtoo lamang ni Kristo lamang. Sa dihang si Jesu-Kristo miadto ngadto sa krus ingon

nga imong puli, ang mga sala sa kalibutan gihuwad diha Kaniya ug gihukman. Ang kaluwasang buhat ni Kristo natapos ibabaw sa krus. Diha sa samang panahon, ang tawhanong mga buhat gisalikway. Walay lugar diha sa plano sa Dios alang sa tawhanong mga buhat. Ikaw dili maluwas pinaagi sa imong mga maayong buhat. Ang tawhanong mga buhat sa katibok-an dimadawat sa Dios.

Apan kitang tanan ingon sa usa ka bulingon nga butang, ug ang tanan nato nga pagkamatarong ingon sa mahugawng mga trapo. (Isaiah 64:6a)

Ang kaluwasan maoy gumikan sa grasya pinaagi sa pagtoo. Kini mao ang buhat sa Dios.

Kay tungud sa grasya ikaw

naluwas pinaagi sa pagtoo;
ug kana dili sa inyong-kau-
galingon: kini mao ang gasa
sa Dios: Dili sa mga buhat,
aron dili si bisan kinsang
tawo makapasigarbo. (Mga
Taga-Efeso 2:8-9)

Dili tungud sa mga buhat sa
pagkamatarong nga atong
nahimo, apan pinasubay sa
lyang kalooy siya miluwas
kanato. (Titus 3:5a)

Si Jesu-Kristo mipuli sa imong dapit
ibabaw sa krus ug ang imong batasan
ngadto Kaniya nagabuut sa imong
waykatapusang kaugmaon.

Siya nga wala mitoo gihuk-
man na, tungud kay siya
wala mitoo diha sa ngalan

sa bugtong gipanamkon nga
Anak sa Dios. (Juan 3:18b)

Binilyon ka katuigang milabay, ang Dios sa personal mihunahuna kanimo. Siya nahibalo sa imong matag sala, sa imong matag kapakyasan. Bisan pa Siya nahigugma kanimo ug misangkap sa imong labihan-kadako nga kaluwasan. Kini mao ang tinuud nga konsepto sa Pasko! Sa dihang ikaw motoo ni Kristo, ikaw modawat sa kinadak-ang gasa nga ang Dios nga Amahan nagatanyag ngadto sa tawhanong kaliwat, tungud kay

Ang Dios nahigugma sa kalibutan, nga siya mihatag sa iyang bugtong gipanamkon nga Anak, nga bisan kinsa nga mitoo kaniya dili malaglag, apan adunay

waykatapusang kinabuhi
(Juan 3:16).

Kon ikaw dili usa ka magtotoo ni Jesu-Kristo, unsay masmaayo nga panahon sa pagdawat sa kinadak-ang gasa sa Dios kay sa karon? Ang tibuuk nga plano sa Dios sa kaluwasan gitugyan diha sa waykaparehas nga Persona, si Jesu-Kristo. Kini mao nganong ang Kasulatan nagaingon:

Walay kaluwasan diha ni bisan kinsa: kay walay bisan kinsa pa nga laing ngalan sa ilalum sa langit nga gihatag ngadto sa katawhan, nga pinaagi niini kita gayud mangaluwas (Mga Buhat 4:12).

Sa takna nga ikaw motoo ni Jesu-Kristo, ikaw adunay waykatapusang relasyon

uban sa Dios ug ikaw walay mahimo sa pagkansela niana nga relasyon.

Toohi si Ginoong Jesu-Kristo, ug ikaw maluwas.
(Mga Buhat 16:31*b*)

Karon, ikaw magbutang ni Kristo pagbalik diha sa Pasko!

GIDAWAT DIHA SA HINIGUGMA

Sa dihang ikaw motoo ni Jesu-Kristo, ikaw diha dayon anaa sa plano sa Dios. Ug ang Iyang plano alang kanimo mao ang pag-angkon sa Pasko matag adlaw, dili lamang kausa sa usa ka tuig! Ang Dios miplano sa *masmaayo nga mga butang* kay sa karon nga taphawng mga konsepto sa Pasko. Ang matuud nga kahulugan sa Pasko alang kanimo isip

usa ka magtotoo ni Ginoong Jesu-Kristo napahimutang sa *masmaayo nga mga butang* sa Dios.

Apan, hinigugma, kami naawhag sa masmaayo nga mga butang diha kaninyo, ug [bisan pa] mga butang nga mag-uban sa kaluwasan. (Mga Hebreohanon 6:9a)

Sa dihang ikaw magdawat ni Kristo isip Manluluwas, ikaw diha dayon mahimong usa ka myembro sa lawas ni Kristo. Ikaw mao karon ang “hinigugma.” Kini nagakahulugan nga ang Dios naghigugma kanimo uban sa waykinutuban nga bili sa gugma ug ang Iyang katakus alang niana nga gugma dili gayud mausab.

Dili lamang ikaw hinigugma, ikaw maoy “nadawat diha sa hinigugma.”

Siya mihimo kanato nga nadawat diha sa hinigugma. (Mga Taga-Efeso 1:6b)

Dinhi ang “hinigugma” nagapasabut ngadto ni Ginoong Jesu-Kristo. Karon nadawat diha Kaniya, ikaw maoy usa ka myembro sa lawas ni Kristo ug isip usa ka resulta ikaw mag-ambit sa tanan nga Siya anaa.

Human nga si Jesu-Kristo gihukman isip atong puli didto sa krus alang sa mga sala sa kalibutan, Siya namatay sa lawas-non ug mibangon gikan sa patay. Siya misaka ngadto sa presensiya sa Amahan ug “milingkod diha sa toong kamut sa Pagkahalangdon [Dios nga Amahan] sa kahitas-an” (Mga Hebreohanon 1:3b). Siya mao ang Hari sa mga hari, Ginoos sa mga ginoo. Uban niini nga bag-ong harianon nga titulo, ang Dios nga Amahan misukip sa Kapanahonan sa Simbahan sa pagpahayag sa lawas ni Kristo, kanila

nga “gidawat diha sa hinigugma”—Kapanahonan sa Simbahan nga mga magtotoo.

PAGSALIG NAGAGIKAN SA DOKTRINA

“Apan, hinigugma, kami naawhag.” Ang Griyegong punglihok, “naawhag,” (*peitho*) nagkahulugan og “aron adunay pagsa-lig.” Mao nga ang Mga Hebreohanon 6:9 masmaayo pa nga ipasabut: “Apan, hinigugma, kita adunay pagsalig.” Diin man kining pagsalig nagagikan? Ang atong pagsalig nagagikan sa kahibalo sa Pulong sa Dios o doktrina sa Bibliya.

Ang kinabuhi sa hingpit nga kalipay pinasikad diha sa Pulong sa Dios. Ang tanan usa ka detalye sa kinabuhi. Kon ang Pasko ug ang matag adlaw sa uma-abot nga tuig maoy mahimong usa sa hingpit nga kalipay nga may kahulugan,

katuyoan, ug katin-awan, nan kini kinahanglang pinasikad diha sa usa-ka-butang nga masdako kay sa mga detalye sa kinabuhi.

KUSOG-NGA-LIHOK SA KAPANAHONAN SA SIMBAHAN

Karon, kita nagapuyo sa Kapanahonan sa Simbahan, ang dispensasyon sa *masmaayo nga mga butang*. Apan masmaayo pa kaysa unsa? Masmaayo pa kaysa bisan unsang butang nga nahitabo diha sa nanglabayng kapanahonan nga naglangkob sa Karaang Testamento uban sa iyang tinuyo nga pagkapari nga gihatag diha lamang sa pipila, sa iyang sistema sa sakripisyo nga mga rituwal, ug sa iyang mapilion, naghatag-katakus nga ministeryo sa Balaang Espiritu. Kini

wala nagakahulugan nga ang Karaang Testamento nga mga magtotoo wala maluwas pinaagi sa pagtoo, wala mi-gamit sa pagtoo-pahulay nga teknik, o magtubo sa paghimaya sa Dios (Mga Hebreohanon 11). Hinonoa! Dihay daghang mga kahibulongan nga mga magtotoo—Moses, Abraham, David, Daniel—apan sila wala nakabaton sa *masmaayo nga mga butang* nga kita anaa sa Kapanhonan sa Simbahan.

Ang pagsangkap sa *masmaayo nga mga butang* alang sa mga magtotoo misugod uban sa bag-ong dispensasyon sa Simbahan ug milakip: ang pagpuyo sa Balaang Espiritu (Juan 7:39); ang unibersal nga pagkapari sa magtotoo (1 Pedro 2:9); ang nakompletong kanon sa Kasulatan; ang pagpuno sa Balaang Espiritu nga mao ang gahum sa pagkaton sa doktrina sa Bibliya, pagpuyo sa Kristohanong kinabuhi, ug pagpabilin sa fellowship diha sa Dios. “Apan,

hinigugma, kita adunay pagsalig mahitungud sa masmaayo nga mga butang . . . nga uban sa kaluwasan” (Mga Hebreohanon 6:9a, gikorihian nga paghubad). Kining *masmaayo nga mga butang* nga uban sa kaluwasan mao ang matag adlaw nga grasyang mga pagsangkap alang sa imong kinabuhi—ang mga butang nga maghimo sa matag adlaw nga Pasko.

ANG ANGHELANONG AWAY

Isip mga magtotoo diha ni Ginoong Jesu-Kristo, kita maoy hingtungdan sa dimakitang away—ang anghelanong away. Sanglit si Satanas napakyas sa iyang pagsulay sa pagsanta ni Jesu-Kristo gikan sa Iyang pagkatudlo uban sa krus, ang kasuko ni Satanas gipakusog ug ang matag magtotoo diha sa dagway sa kalibutan nahimo nga iyang target. Ang atong mga hunahuna, bisan pa ang

atong espirituhanong kinabuhi maoy natad-panggubatan.

Pagmaligdong, pagmabinantayon; tungud kay ang inyong kaaway ang yawa, ingon sa usa ka nagngulub nga liyon naglibotlibot, nagpangita kang kinsa nga siya mahimong mutukob.

(1 Pedro 5:8)

Aron makaabut sa imong panginahanglan batok niini nga kaaway, ang Dios misangkap kanimo sa *masmaayo nga mga butang*. Siya nagpabilin kanimo nga buhi; Siya nagahatag kanimo og usa ka adlaw sa matag panahon. Siya nagasangkap kanimo sa tanang butang nga gikinahanglan aron sa pag-angkon og suludnon nga kalinaw, suludnon nga kalipay, ug suludnon nga panalangin diha sa taliwala sa anghelanong away. Sa Kapanahonan sa Simbahan, ang Dios

nagapahamutang og usa ka paninugdan nga maoy hingpit nga talagsaon nga— *masmaayo nga mga butang!* Diha sa Iyang plano, wala kanang butang nga ingon sa usa-ka-adlaw nga Pasko; ang Dios nagasangkap alang kanimo takna sa takna.

NEGATIBO NGA KABUBUT-ON

Apan, adunay dakong babag ngadto sa hingpit nga kalipay nga gisangkap sa Dios: kini mao ang imong negatibo nga kabubut-on. Sa dihang ikaw midesisyon sa pagpakasala, ikaw mogawas gikan sa fellowship sa Dios. Sa dihang ikaw mogawas gikan sa fellowship, ang imong sukud sa mga bililhon mausab ug ang doktrina sa Bibliya dili na importante alang kanimo. Sa dihang ikaw midesisyon sa pagbaliwala o pagsalikway sa doktrina sa Bibliya, ang imong mga mata motuyok ngadto sa mga detalye sa kina-

buhi. Uban sa imong mga mata ngadto sa mga detalye sa kinabuhi, walay adlaw nga mahimong Pasko alang kanimo!

Wala sa ilalum sa imong Krismas tri ang makapaduul sa *masmaayo nga mga butang* nga mao ang imoha diha ni Kristo. Samtang dili sayup ang pagsaulog sa Pasko ug pagbaylohay og mga gasa, maoy sayup ug maoy trahedyas alang kanimo ang pagdala sa imong mga mata sa mga butang nga imong dawaton. Sukad sa adlaw nga ikaw midawat ni Kristo isip Manluluwas, ikaw nakaangkon sa *masmaayo nga mga butang*. Ikaw ba nagadiskobre kanila o ikaw ba nagsige pa og pangita sa mga detalye sa kinabuhi alang sa kalipay?

Kita wala diha kanila kinsa nagasibog ngadto sa kapildihan, apan diha kanila

nga mitoo ngadto sa pagluwas sa kalag. (Mga Hebreohanon 10:39)

Ang (*hupostole*) nagkahulugan og “sibog” o “retira” nga mao ang usa ka Griyego nga kangalan sa negatibong kabubut-on ngadto sa doktrina sa Bibliya. Sa dihang ikaw dimagtagad o misalikway sa Pulong sa Dios, ang Dios mopahamtang sa divine nga disiplina. Ang (*apoleia*) nagkahulugan og “kapildihan” o “alang sa tuyo sa pagguba” nagpasabut ngadto sa kinatas-ang divine nga disiplina, ang sala ngadto sa kamatayon, gipahamtang niadtong mga magtotoo kinsa pinaagi sa ilang pagsalikway sa doktrina nagpadayong pakyas sa pagpuyo sa Kristohanong kinabuhi (1Juan 5:17). Samtang ang magtotoo dili gayud makawagtang sa iyang kaluwasan, way-sapayan unsa niya pagkapakyas, siya piho nga disiplinahon sa Dios diha sa pa-

nahon (Mga Hebreohanon 12:6). Apan kon ikaw maoy “diha kanila nga mitoo sa pagluwas sa imong kalag,” ikaw masaligong nagalihok paabanti ngadto sa plano sa Dios pinaagi sa pagkat-on ug paggamit sa doktrina sa Bibliya diha sa imong kalag.

Bisan kon ikaw wala gayud makadawat ug laing gasa sa Pasko, ikaw anaa sa tanan nimong gikinahanglan ingon nga magtotoo ni Jesu-Kristo. Ikaw ba mihunahuna nga ang bisan unsang hinimo-sa-tawo nga himan, ang bisan unsang detalye sa kinabuhi makatumbas uban sa unsay gisangkap sa Dios alang kanimo sa milabay nga eternidad? “Ang mga baka ibabaw sa usa ka libo ka mga bungtod” gipanag-iya sa Dios sa uniberso (Mga Salmo 50:10). Sa moderno nga English, ang “mga baka” mao ang pa-sumbingay alang sa salapi. Apan tingali ang Dios wala mihatag kanimo og bisan unsang salapi. Karon kini mopakurat

sa pipila kaninyo. Anaa gayuy butang nga masmaayo pa sa salapi o bisan unsang butang nga mapalit sa salapi! Ug aduna—ang *masmaayo nga mga butang* nga gisangkap sa Dios!

DIOS ANG MAGSASANGKAP

Ang Mga Hebreohanon 11:1-39 naga-hulagway sa espirituhanong mga kadaugan sa Karaang Testamentong mga magtotoo. Sa diha nga kita moabut sa bersikulo 40, kita gipaggulaan sa *masmaayo nga mga butang* alang sa Kapanahonan sa Simbahan:

Ang Dios sa pagsangkap sa pipila ka masmaayo nga butang alang kanato, nga sila nga wala uban kanato dili mahimo nga hingpit (Mga Hebreohanon 11:40).

Magsugod kita uban sa Dios. Diha sa Griyego, kini maoy (*tou theou*), gihubad sa “ang Dios” ug nagapasabut sa Dios nga Amahan. Ang pasko mobalik ngadto sa eternidad nga milabay sa dihang ang Dios nga Amahan midungaw sa mga pasilyo-sa-panahon ug nakita ang matag panginahanglan nga ikaw makaangkon. Ang Iyang unang gasa mao ang kinadakaan—si Ginoong Jesu-Kristo—ang gasa sa kaluwasan. “Ang Dios nahigugma kaayo sa kalibutan, nga siya mihatag sa iyang bugtong gipanamkon nga Anak” (Juan 3:16a).

Uban sa imong dako-kaayo nga kaluwasan, Siya misangkap og usa ka tibuuk nga katukuran sa *masmaayo nga mga butang*. Walay magtotoo nga segunda-klaseng Kristohanon. Matag adlaw nga ikaw momata, ang Dios miingon, “Maayong Pasko!” Ang problema mao, nga pipila kaninyo wala pa makamata niini nga kamatuuran. Adunay usa la-

mang ka paagi nga ikaw makahibalo nga ang matag adlaw maoy Pasko ug kana pinaagi sa pagkat-on sa doktrina sa Bibliya.

“Ang Dios sa pagsangkap.” Diha sa Griyego, ang pulong (*problepo*) diin kita nagkuha sa pulong “blip,” maingon sa usa ka blip sa radar iskrin. Ang *blepo* nagakahulugan og “pagtan-aw.” Ang *pro* nagkahulugan sa “pagtan-aw og una diha sa panahon.” Ang Dios nga Amahan mitan-aw pag-una sa panahon nga atong gipuy-an karon, nakakita sa mga kalisdanan nga atong maangkon diha sa anghelanong away, ug mitinguha nga mopaambit sa Iyang hingpit nga kalipay uban kanato.

Ang kalipay sa Dios natukod diha sa Iyang dimausab nga esensiya ug sa Iyang waykinutubang mga bahandi. Siya gustong mopahibalo niini diha kanimo ug Siya misangkap sa tanan nga imong panginahanglan aron sa pagdayeg Kani-

ya, aron maanaa ang adlaw-adlawng hingpit nga kalipay. Karon, sulayi sa pagputus sa usa ka kahon ug ablihi kini sa Pasko sa buntag!

Bisan unsay imong makita sa imong mga kahon sa Pasko, ikaw dili makakita sa *masmaayo nga mga butang*. Nahibalo ba ikaw asa nimo makita sila? Diha sa Bibliya nga klase! Diha sa adlaw-adlawng pagtoon sa Bibliya! Pinaagi lamang sa doktrina sa Bibliya nga ikaw makaabli sa mga gasa sa Pasko matag adlaw tungud kay ang sulud lamang sa doktrina sa Bibliya ang naglaray sa tibuuk nga sundanan alang sa *masmaayo nga mga butang*—aron sa pag-ambit sa kalipay sa Dios.

Adunay gatusan niining *masmaayo nga mga butang* diha sa mga Kasulatan; ang Libro sa Mga Hebreohanon nagapagawas og tulo kanila. Sa Kapanhonan sa Simbahan, ang matag magtotoo usa ka pari, usa ka harianong

pari. Sa maingon ikaw nagrepresentar sa imong kaugalingon sa atubangan sa Dios. Ikaw kinahanglang anaa sa espirituhanon nga kaugalingong-pagamuma ug arang makadumala sa imong kaugalingong mga problema atubangan sa Dios. Unsa ang basihan sa pag-amuma kanimo? Ang ikaduha ug ikatulo nga masmaayo nga mga butang: Ang doktrina sa Bibliya gikan sa nakompleto nga kanon sa Kasulatan ug ang pagpuyo ug pagpuno sa Dios nga Balaang Espiritu. Kini mao ang pipila ka *masmaayo nga mga butang* nga nagaamuma kanimo diha sa anghelanong away. Kining *masmaayo nga mga butang* maoy mga paagi diin ikaw makaabli sa mga kahon sa Pasko gikan sa Dios matag adlaw sa imong kinabuhi.

ANG PAGKAKOMPLETO SA PLANO SA DIOS

Ang katapusang pamulong diha sa Mga Hebreohanon 11:40 nagaingon nga ang Karaang Testamento nga mga magtotoo mibiya niining kinabuhia pinaagi sa lawasnon nga kamatayon, apan ang plano sa Dios wala matapos uban sa ilang kamatayon. Ngano? Tungud sa anghelanong away! Ang dakong mga kadaugan sa Karaang Testamento nga mga magtotoo sa wayduhaduha usa ka bahin sa anghelanong away, apan kini wala matapos.

Hinoon, ang anghelanong away karon mipahilabihan. Uban sa paghimaya ni Jesu-Kristo didto sa toong kamut sa Dios nga Amahan, ang anghelanong away miusab sa kambiyada. Kini nga hugna adunay duha ka mga bahin: ang Kapanahonan sa Simbahan diin ang

away tinago ug malinglahon, ug ang Kalisdanan diin kini dayag ug tataw.

Matag magtotoo sa Kapanahonan sa Simbahan nahilambigit niini nga away. Busa, ang matag magtotoo anaa sa tibuuk-panahon nga Kristohanong pangalagad. Bisan-asa ikaw, bisan-unsang imong ranggo sa kinabuhi, ikaw maingon lamang nga anaa diha sa tibuuk-panahong Kristohanong pangalagad sama ni bisan kinsang ebanghelista, ni bisan kinsa nga misyonaryo, o bisan kinsa nga pastor. Ang imong espirituhanong gasa tingali lahi, apan ang imong responsibilidad pareho ra. Aron sa pagtuman sa imong reponsibilidad, ikaw kinahanglang mokat-on ug mogamit sa doktrina sa Bibliya.

Aron sa pag-atubang sa pagkahilabihan sa anghelanong away diha sa Kapanahonan sa Simbahan, ang Dios midugang sa pagtoo-pahulay nga teknik sa Karaang Testamento nga mga

magtotoo uban ang dugang nga mga pagsangkap, nga gitawag og *masmaayo nga mga butang*. Niining hilabihan-kaayo nga panahon, ang *masmaayo nga mga butang* nagagikan sa doktrina sa Bibliya. Tungud kay ang mga tawo magkinahanglan og doktrina sa Bibliya sa pag-sabot sa *masmaayo nga mga butang*, ang Dios mitangtang sa tanang butang nga mopahanap sa pagkamahinungdanon niini. Siya mipapas sa mga gasa sa mga milagro, pang-ayo, ug mga dila. Kining lumalabay nga espirituhanong mga gasa wala na kinahanglana sukad sa A.D. 70. Ang Dios usab mikuha matag emosyonal ug nagsamok nga mga sistema sa rituwal ug gitangtang kini. Ang rituwal sa Kapanahonan sa Simbahan gilimitahan sa bawtismo ug komunyon. Ngano? Tungud kay kita karon aduna sa tanang butang nga nahasulat; ang kanon sa Kasulatan nahipno sa A.D. 96.

Ang Bibliya maoy imong gasa sa

Pasko! Sa matag panahon nga ikaw moabli niini, ikaw mibukhad sa usa ka putus gikan sa Dios. Ug Siya misangkap niining *masmaayo nga mga butang* sa adlaw-adlaw nga paagi. Siya wala moingon, “Paabot hangtod sa Pasko.” Ang Dios miingon, “Matag adlaw nga ikaw magpuyo dinhi niining kalibutan maoy Pasko ug Ako misangkap alang kanimo sa matag adlaw!”

GRASYA NGA APARATO SA PANABUT

Ang limitado nga tawhanong I.Q. dili makasanta sa plano sa Dios ug pagsangkap alang sa magtotoo. Siya mihatag sa “grasya nga aparato sa panabut” (1 Mga Taga-Corinto 2:10–16) diin ang matag magtotoo makakat-on ug makagamit sa doktrina (Mga Taga-Efeso 3:18). Isip-sukaranan, kining grasya nga

aparato nagalakip sa espirituhanong gasa sa pastor-magtutudlo kinsa naghubit ug nagtudlo sa doktrina sa Bibliya, usa ka lokal nga simbahan alang sa komunikasyon sa doktrina, ang nakompletong kanon sa Kasulatan isip gigikanan sa doktrina, ang pagpuno sa Balaang Espiritu isip tigpagahum sa pagkat-on sa doktrina, ang tawhanon nga espiritu alang sa tinguhaanon nga pagsabut sa doktrina, ang walang lingin nga kabahin sa kalag isip dapit-pahigayon alang sa doktrina, ang toong lingin nga kabahin sa kalag alang sa pagtigum ug paggamit sa doktrina, ug ang unibersal nga pagkapari sa magtotoo alang sa kinaugalingon ug sa pagdawat sa doktrina.

Kon matag adlaw maoy mahimong Pasko, nan kini nagaagad sa imong adlaw-adlaw nga paggamit sa grasya nga aparato: ang pagpangita sa tukma nga pastor-magtutudlo ug lokal nga simbahan diin ang doktrina ginatudlo; isip gipun-an

sa Espiritu pinaagi sa ‘rebound’—ang pagsugid sa sala (1 Juan 1:9); pagkat-on sa doktrina sa Bibliya; pagtoo ug pagbalhin sa doktrina ngadto sa toong lingin nga kabahin diin kini matigum; pagtukod sa divine nga mga sumbanan ug sukdanan; ug paggamit sa doktrina ingon nga kaalam ngadto sa kasinatian.

Sa panahon nga himoon mo kini, ikaw magpatubo og usa ka ‘Krismas tri’ sulud sa imong kalag. Ikaw mahimong nakasinati-sa-grasya; ikaw makabaton ug relaks nga panghunahuna, gawasnon sa mga panghunahuna nga sala. Ikaw makabaton og katakus sa paghigugma sa Dios ingon man sa katawhan; ikaw makabaton sa kahanas sa mga detalye sa kinabuhi. Ug sa tumoy sa imong ‘tri’, ikaw makabaton nianang kinatas-ang dayandayan sa kalag—ang pag-ambit sa kaugalingong kalipay sa Dios. Ug kana makahimaya sa Dios!

UNSAON PAGPUYO ANG KRISTOHANONG KINABUHI

Tungud niana nakita nga kita usab gilibotan uban sa hilabihan ka bagang panganod sa mga saksi, iwakli nato ang matag gibug-aton, ug ang sala nga sa kasayon misamok kanato, ug daganon nato uban sa pagpailob ang lumba nga gipahamutang atubangan kanato, Magtutok ngadto ni Jesus ang tigmugna ug tighingpit sa atong pagtoo; kinsa alang sa kalipay nga gipahamutang atubangan kaniya miantos sa krus, mibaliwala sa kaulaw, ug maoy

milingkod diha sa toong-
kamut sa trono sa Dios.
(Mga Hebreohanon 12:1-2)

Ang “tungud niana” nagakahulugan og “sa mao nga hinungdan.” Unsay hinungdan? Tungud kay ang mga kadaugan sa mga magtotoo sa Karaang Testamento wala mikompleto sa plano sa Dios, kita kinahanglang adunay usa ka Bag-ong Testamento. Apan, ang Karaang Testamento nga mga magtotoo anaa pa ang tanan palibot kanato, sa permanente nga narekord diha sa Pulong aron kita makapahimulus sa ilang mga kadaugan.

Kita kinahanglan gayud, nianang panahona, “iwakli ang matag gibug-aton, ug ang sala nga sa kasayon misamok kanato.” Ang gibug-aton mao ang dapit sa kahuyang diha sa kinaiyang makasasala nga nagatintal kanato ngadto sa pagpakasala. Ang atong desisyon sa pagpakasala nagapildi kanato ug

nagapugong kanato gikan sa pagdagan diha sa Kristohanong kinabuhi, apan ang sala gikawakli “padaplin” pinaagi sa rebound o pagsugid sa sala.

Kon kita mosugid sa atong mga sala, Siya matinumanon ug matarong sa pagpasaylo kanato sa atong mga sala, ug sa paghinlo kanato gikan sa tanang dipagkamatarong. (1 Juan 1:9)

Sa diha nga kita morebound, kita pag-usab mapun-an sa Balaang Espiritu ug mobalik sa fellowship sa Dios. Ang pagpuno sa Balaang Espiritu mao ang makahatag-og-gahum nga pinaagi niini kita makasabut sa *masmaayo nga mga butang* ug magpuyo sa Kristohanong kinabuhi.

Ikaduha, kita kinahanglang mogamit sa pagtoo-pahulay nga teknik. “Daganon

nato uban sa pagpailub.” Ang pagtoo-pahulay mao ang takna-sa-takna nga pahulay o kalinaw sa kalag waysapayan sa unsang mga kahimtang nga kita makakita sa atong kaugalingon (Mga Hebreohanon 4:3). Diha sa pagtoo-pahulay nga teknik, kita mosagol sa atong pagtoo uban sa mga saad sa Dios sa pagligon sa atong panghunahuna ug paghatag kanato nianang “kalinaw sa Dios, nga nagalabaw sa tanang pagpanabut” (Mga Taga-Filipos 4:7). Ang atong pagtoo-pahulay pinasikad sa kinsa ug unsa ang Dios ug unsa ang Iyang gisaad nga himoon alang kanato. Ang Dios mihimog pagsangkap alang sa tanang butang nga kita nagkinahanglan nga moatubang niining kinabuhia. Ang Iyang pagsangkap masdako pa kay sa kinadak-an natong mga problema. Kon ang Dios mihimo sa kinadak-ang butang alang kanato didto sa krus, “Siya dili ba uban Kaniya (Kristo) usab gawasnong mohatag kana-

to sa tanang mga butang” (Mga Taga Roma 8:32)? Kon kita misalig Kaniya alang sa masdakong butang—ang atong waykatapusang kaluwasan—kita dili ba makasalig Kaniya alang sa tanang lain pang butang sa kinabuhi?

“Daganon nato uban sa pailub ang lumba nga gipahamutang atubangan kanato.” Ang Kristohanong kinabuhi maoy sagad gipasabut ingon sa usa ka “paglakaw” diha sa Kasulatan, apan dinhi kini gitawag og usa ka “lumba.” Ang pagdagan maoy usa ka paghulagway sa pagpuyo sa Kristohanong kinabuhi diha sa nagkahilabihan nga hugna sa ang-helanong away. Apan usa sa mga *mas-maayo nga mga butang* nga kita anaa mao nga kita “makadagan ug dili mahapo.... makalakaw ug dili maluya,” walay pagsapayan unsang mga pagpiit nga kita moatubang sa kinabuhi (Isaiah 40:31).

“Magatutok ngadto ni Jesus ang tig-mugna ug tighingpit sa atong pagtoo.” Si

Jesu-Kristo ang kinatas-an nga gigikanan sa doktrina. Ang paagi lamang nga makita si Jesu-Kristo mao ang pinaagi sa Iyang Pulong. Ang paagi lamang nga ikaw makahigugma Kaniya ug makadayeg Kaniya mao ang paghibalo bahin Kaniya pinaagi sa Iyang Pulong. Ang bugtong paagi nga ikaw makasinati sa grasya ug plano sa Dios mao ang pagkat-on ug paggamit sa Iyang Pulong. Pinaagi lamang sa labing-daghang pagsilsil sa “hunahuna [panghunahuna] ni Kristo” nga ikaw makadayeg sa *masmaayo nga mga butang* sa Pasko (1 Mga Taga-Corinto 2:16)!

“Magatutok ngadto ni Jesus ang tigmugna ug tighingpit sa atong pagtoo; kinsa alang sa kalipay nga gipahimutang sa atubangan Kaniya miantos sa krus, gibaliwala ang kaulaw.” Si Jesu-Kristo dili lamang ang tigsangkap sa atong kaluwasan, apan ang “tighuman” o tighingpit sa atong doktrina. Sa panahon

sa Inkarnasyon, si Jesu-Kristo nanguna sa *masmaayo nga mga butang* nga gipangangkap alang sa matag magtotoo sa Kapanahonan sa Simbahan. Didto sa krus, Siya nagpamatuud sa bili ug sa gahum sa *masmaayo nga mga butang*. Ang Iyang “kasaya,” ang Iyang gipakitang kalipay mao kadtong Siya nakahimo sa paglahutay sa krus. Ang “lahutay” nagakahulugan sa literal nga “sa pagpadayon ilalum sa.” Sa dihang ang mga sala sa tibuuk kalibutan gihuwad diha ni Kristo sa krus, Siya mipabilin hangtod ang matag usa kanila nahukman.

Pananglit sa makadiyut nga ang mga sala sa Karaang Testamento nga mga magtotoo milukup sa unang oras ug si Kristo miingon, “Igo na!” ug mikanaog gikan sa krus human niadto. Wala untay sumpay ang anghelanong away. Kini nadaog na unta ni Satanas! Apan si Kristo mipabilin diha sa krus alang sa laing oras,

ug sa lain pa, “gibaliwala” o waypagtagad “sa kaulaw.” Siya wala lamang mipas-an sa mga sala sa Karaang Testamento nga mga tawo, apan Siya mipas-an sa mga sala sa matag tawo kinsa mabuhi gayud. Kana mao ang Iyang gasa sa Pasko alang kanimo ug alang kanako. Si Jesu-Kristo milahutay sa kaulaw aron kita makabaton sa waykatapusang kaluwasan.

Tungud kay siya mihimo kaniya nga mahimong sala alang kanato, kinsa wala nakaila og sala; nga kita unta mahimong pagkamatarong sa Dios diha kaniya. (2 Mga Taga-Corinto 5:21)

ANG PANGINAHANGLAN ALANG SA MASMAAYO NGA MGA BUTANG

Sa dihang si Jesu-Kristo milingkod “sa toong kamut sa Dios” (Mga Hebreohanon 12:2), “ngadto sa mga anghel miingon ba siya [ang Amahan] sa bisan unsang panahon, Lingkod diha sa Akong toong kamut” (Mga Hebreohanon 1:13)? Ang tubag mao nga wala sa kanila! Ang Dios nga Amahan misulti niini ngadto sa Usa nga gihimong mas ubus pa kay sa mga anghel alang sa usa ka higayon—ang pagkatawo ni Kristo (Mga Hebreohanon 2:9). Sa dihang ang nabanhaw nga Dios-tawo, si Jesu-Kristo, milingkod sa toong kamut sa Amahan, ang matag magtotoo dihadiha nahimong usa ka espesyal nga tumong sa napahilabihang anghelanong away. Kana mao ang panahon nga nahimong

gikinahanglan sa Dios ang pagsangkap alang kanato sa *masmaayo nga mga butang* aron nga kita usab mahimong magmadaugon diha sa away.

Ug busa diha niining malinglahon, makusog, kahibulongan, talagsaon nga hugna sa anghelanong away ang Dios misangkap sa *masmaayo nga mga butang* alang sa lawas ni Kristo sa kalibutan. Kita anaa niini nga mga butang diha sa sinulat aron nga sila matun-an, mapahayag, masabtan, ug magamit. Ang pag-ambit sa kalipay sa Dios ug ang kinatas-ang paghimaya sa Dios maggikan lamang pinaagi sa atong adlaw-adlaw nga panabut ug paggamit sa mga *masmaayo nga mga butang*. Unya niana, ug nianang higayona lamang, nga ang matag adlaw mahimong Pasko!

MGA SULATANAN

MGA SULATANAN

SA DOKTRINA NGA MGA PAGTOON SA BIBLIYA

Doktrina sa Bibliya, ang unud sa pagpanudlo gikuha gikan sa usa ka literal nga interpretasyon sa mga Kasulatan, mao ang sukaranan para sa espirituhanong kamatuuran. Ang pagtoon sa Bibliya nagsangkap og espirituhanong pangpabaskog para sa Kristohanon (Mateo 4:4).

Ang kamahinungdanon sa doktrina sa Bibliya dili mahimong ibaliwala (Mga Salmo 138:2). Ang Dios nagmando sa Kristohanon aron sa kahiladman nahiusab (Mga Taga-Roma 12:2). Kini nga pagkausab nagkinahanglan og usa ka adlaw-adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghang katuigan ang sa doktrina nga mga klase sa Bibliya nga gitudlo pinaagi ni R. B. Thieme, Jr., misangkap og adlaw-adlaw nga espirituhanong pagkaon para sa iyang kongregasyon. Mga publikasyon, DVDs, ug MP3 CDs (English) maoy anaa sa walay bayad o obligasyon. Usa ka *Sa Doktrina nga Mga Pagtoon sa Bibliya nga Katalogo* maoy ihatag diha sa paghangyo.

R. B. THIEME, JR., BIBLE MINISTRIES

P.O. Box 460829

HOUSTON, TEXAS 77056-8829

www.rbthieme.org

713-621-3740

PINANSIYAL NGA PALISIYA

Walay bayad para sa bisan unsa nga materyal gikan sa R. B. Thieme, Jr., Bible Ministries. Si kinsa kadtong nagtinguha og pagtudlo sa Bibliya makaangkon sa among [English] mga publikasyon, DVDs, ug MP3 CDs nga walay obligasyon. Ang Dios naghatag og doktrina sa Bibliya. Kami nanghinaot sa pagpadayag sa Iyang grasya.

Ang R. B. Thieme, Jr., Bible Ministries maoy usa ka ministeryo sa grasya ug naglihok sa katibuk-an diha sa boluntaryong mga kontribusyon. Walay listahan sa presyo para sa bisan unsa sa among mga materyal. Walay kwarta nga gipangayo. Kon ang pagkamapasalamaton para sa Pulong sa Dios nagdasig sa usa ka magtotoo sa paghatag, siya adunay pribilihiyo sa pagpaambit ngadto sa pagpakaylap sa doktrina sa Bibliya.

ANG TAGSULAT

Si ROBERT B. THIEME, JR. (1918-2009) nagpabilin nga usa ka mahinungdanong tingog sa Kristiyanismo sa tibuuk kalibutan. Ang iyang makugihon, mapatin-awong pagpanudlo gibasi diha sa orihinal nga mga pinulongan sa Kasulatan sumala sa makasaysayanong konteksto nga ang Bibliya nahasulat. Ang iyang binag-o nga mga sistema sa bokabularyo, mga ilustrasyon, ug bibliyanhong mga kategoriya sa klaro nga nagpahayag sa dimasayup nga mga kamatuuran sa Pulong sa Dios. Si Thieme nakarekord og kapin sa napulog-usa ka libo ka mga oras sa mga sermon ug nakamantala og kapin sa usa ka gatus ka mga libro og naglukup hapit sa Bibliya.

Si Thieme migraduwar sa University of Arizona (Phi Beta Kappa) ug Dallas Theological Seminary (summa cum laude). Ang iyang seminaryo nga mga pagtoon napakgang tungud sa Ikaduhang Gubat sa Kalibutang militar nga serbisyo atol nga siya misaka ngadto sa ranggo nga tenyente koronel diha sa United States Army Air Corps. Pagkahuman sa iyang nagpadayon-pagtoon nga buhat sa 1950, siya nahimong pastor sa Berachah Church sa Houston, Texas. Ang iyang malukopon nga pagbansay sa Griyego, Hebreyo, teyolohiya, kasaysayan, ug mahitungud sa teksto nga panuki misangkap og pundasyon para sa iyang masuknaong propesyonal nga kinabuhi sa pagtoon ug pagpanudlo sa Pulong sa Dios. Si Thieme miretiro isip pastor sa Berachah Church human sa singkuwentay-tres ka katuigan sa matinud-anong serbisyo.

